

牧  
萊  
脞  
語

牧萊脞語二藁目錄

第一卷

賦六首

第二卷上

記十四篇

第二卷下

記十三篇

第三卷

記十二篇

第四卷

記八篇

第五卷

序十三篇

第六卷

序十三篇

第七卷

序十三篇

第八卷

題跋十二篇

銘贊附

牧萊脞語二稟目錄

牧萊脞語二稟卷一

茶陵古迂陳

仁子

同備述

門人譚

以則

伯可輯

松竹坡賦

外第古愚譚成大於所居前得隙地種松蒔竹  
榜曰松竹坡索余賦

古愚散人曾藏立壑身陋軒裾駕艱險而耕鋤釣而  
漁琴既操於招隱文亦賦於閑居森芝蘭於庭砌墾  
經訓之苗畝渺宇宙於培塿幻旦暮之遽廬思歲寒  
而結社顧林莽以躊躇揖髯翁而取友

坡詩體  
真道友

延青士以爲徒山水小牘恨買山之未卜抱幽興而

長孤乃越門左乃躡嶽嶇綿聯平冢坡陀負隅剝離

蓬藿馥櫟擣鉏聲確攘猢猻營蚪鬣之半畝盧山記

馬蔣玉梨之千株坡詩玉梨蟠蟄根以霧湧李石詩

根悶縹節之霜儲韓竹詩日日成清驟捕慘而礫硤

楚詞捕慘之可哀晉書和嶠森如千條擅櫟以

扶疎文選竹擅頌徂徠今休度毛詩徂徠之侯渭川

兮齊驅史記渭川千畝竹籬既編於麋眼簾對捲於

鰕鬚倦則凭於懶架閑卽命於巾車無松下之騶哄

移竹外之行廚樂弘景之清響梁書陶弘景愛松風

造子猷之肩輿

見世說

花釀僊方之酒

坡詩松花釀仙酒

葉綴

飲渴之珠

醫書以竹葉解渴

液掘伏龜之肪

本草松脂亦名松肪嵩山記

大松千歲其精化為青牛為伏龜

香斲擇龍之

雖坡詩春來相與護龍雖

膏續

夜明之火

松明也

實啖棲鳳之腴

韓詩外傳黃帝時鳳凰棲梧桐食帝竹

食體輕奔馬之迅

神仙倥傯好食松實能行如走馬

心剗律筩之虛

律曆記黃帝使伶倫取嶰谷之竹制十二筩以聽臥鳴

亦不知鑾坡之孰貴而

吾上下陽坡停僮憇清陶々而樂有餘也俄頃夜午

山澤闌如金波可掬黛色堪娛乍驚兩部曳影屋隅

齒々如語童々若愉其一綠髮鬢蒼膚鱗皴逡偃

蓋幢而跣徒跣俱者

張儀傳虎賁之士跣跣科頭

問之則曰吾父

十八公而高曾秦大夫也其一節目疎秀頽祈身竦

擢樹羽葆而執轡者問之則曰吾國管城而家爲君

子儒也齋雲仍兮櫛比宅種落兮林俎眩膏沐兮鬱

儀柳詩日出霧露餘青松如膏沐節冷光兮望舒文苑竹記疎可漏宵月幸匠

石兮弗顧飽煙雨兮煦濡何韻士兮拂拭遭知己兮

寵殊欲酬恩兮奚自隨君意兮所需澹春榮兮鐵石

文苑春陽氣王竹不與衆木爭榮鏗爽籟兮笙竽杜詩疎松隔水奏笙簧擗涼

颺兮扇枕滴灝露兮抄書增壽考兮絲苓淮南子千

有茯苓上報平安兮庭除雜俎北都惟童子寺竹一窠每日報竹平安食

黃門兮饑歲異苑漢末小黃門避食松栢實遂不復飢杖長房兮畏途

後漢費長房侍壺公與一竹枝曰騎  
此任所之後投為陂顧視則龍也  
柱明堂兮梁棟

見上  
供紋簾兮遽際君欲支荒徑之暑兮  
陶淵明三徑就荒松

菊猶存  
我則搗青空之步障君欲醫濁世之俗兮我則

挺玉立之清臞  
坡詩無竹令人俗人俗不立玉身  
君欲哦吟

風之句兮我則駢麀尾之談柄  
韓文崔斯立為藍田丞植二松日吟哦其

間又廬山記石門間有松仰視之如駢麀尾  
君欲攜醉月之榼兮我則夏

琅玕而唱喁  
歷司馬公竹詩種琅玕  
重君之力量兮挽萬牛而

不動壑  
山谷詩老松閱世臥雲  
映君之直操兮傲積雪

而不渝  
文苑竹勁可  
司君之出入兮指西東於摩頂

廣異記玄奘見一松樹手摩其枝曰吾西求佛汝可西長若吾歸可東向及去年西向一年東向玄奘



果回衆謂摩頂松廣君之慈義今叢密筍於儲胥天寶遺事  
苑有竹叢密筍不出外謂諸王曰誓臥窻穿階與  
父子兄弟相親當如此故謂義竹君周旋今比坡僊之伯仲  
俯塵世之囂氛今將冷眼以椰榆使樵童牧豎過坡下者  
曰表山以古辱溪以愚孰若吾主坡者取古愚自號直書松竹之一區

### 饅頭賦

按唐韻饅字從米俗作饅說文饅頭餅屬亦曰  
蒸餅亦曰蒸胡皆起閭巷習以成名今江南市  
井處人勝賣止稱饅頭不復見蒸胡籠餅等稱  
然就饅頭中又有數種有頂上搦一乳則曰太

學饅頭有用模印成而鏤百花者則曰天花饅頭又有用模印若龜若繭者則曰從食小饅頭其流則有開口裂瓣而灌以漿者曰包子又有齋素裂瓣不開口而實以飴蜜或豆屑或米飯或筍菜者則曰餃餡又有以竹籜搓薄如紙而實以肉若餌餲曰薄皮包子此皆饅頭之類也因以爲賦

有閑雅公子川竭魚鼃之鱠陸窮麋豚之羹離甑封鴛鴦之醢瓮釀菰韭之齋嗜殫口腹之慾品盡庖饗之腠而筋萬錢而難下食方丈而朶頤爰有麴麥霜

饔露滋髭抽襮 梨穗綴珠璣杖彭龜而穎々 噉對

居衣公旋花而霏々 麩既麤而重羅粉欲膩而頻從

哀三切浙糟酵而洩和孔鋼鼎絞度以細如力 稿端本一

種之美麩裝百類之譎奇或燂為餅飢今真真湯豉

或素為餃餡今加錫 飴或範為燒餅今納爐焚或

捲為寒饌今烹膏脂惟饅頭之擅場猶酥脆而若飡

匪木兮無花之果 倦游錄大饅頭名無花果味甘酸

匪土兮餽草之悲 京師類南有之公筵多煎木饅頭

王梵志詩云城外人吹一箇兵嫌沒滋味 或云武侯之創造將為蠻神而禱

谷改云預先著酒 或云武侯之創造將為蠻神而禱 使教有滋味 祈紀原云小說諸葛亮征孟獲蠻俗必殺人取首祭

人因以為饅頭至晉盧諶

腹不負今腹股

指常動

春祭用饅頭列于祀品

兮齊嚙爾乃圓顱搦

乳天花印摸漬漿哆口繚縫

綻膚肉切臙標曉堯之縷膏

藥斗居睥律脊條之濡味

芼臙穀之劑菹參蔥涂之胸集平釜鬻而水沃

安籠飫而簋疎疊筠牀之數隔羅覓厚紙以補苴其

始則束縕然炬鼓鞀敗煽鑪祝融燹怒回祿呀呀竈

顏低而焰聚額也即有類之類薪標燎而燥枯氣脈固

而勿泚瞻眄勤而徐其後則湯沸九轉雲騰四隅

炊煙縹緲蒸霧鬱紆熱焔燠而鑠石冷淚滴而垂珠

氤氲交而靉黳膨彭亨脹而紛夸夫乃手揭乎頂

蓋驟氣衝平行廚捐浮々而擎出傾離々而簾鋪仵

肌鬆而價興瑩色澤而華腴眇胚胎兮杯盞聿張去聲

王去聲兮瓠壺餐夫羨之而吞吐饒兒索之而吮險喝

娛北客假之以稱飯南公備之而宴需盧諶以薦祭

今宗廟註見上裕陵以養士兮學區神宗養太學士立

右供養如何左右以饒頭進曰朕何曾以不食兮太

官養士亦不薄矣至今開日設饒頭取其食蒸餅何曾性豪奢每宴見不食大官所設帝輒命

下筋束督以宜設兮春餘束督餅賦三春王歡以一

顆兮充飢餒王歡耽學貧寒人惠蒸餅一劉晏以蒸

熱兮包裙襦隋唐嘉話劉晏五鼓入朝々寒見賣蒸

熱兮包裙襦胡熟氣騰輝使人買以袍袖包裙襦成

之鄭澣以弃殼兮責甥姪鄭澣其河南會甥姪食蒸  
因引手取所南軒以食冷兮嗤鄙夫南王露南軒帥京  
弄者食之歐公評厚皮兮何大俗歐陽永叔  
箇冷饅頭所使歐公評厚皮兮何大俗歐陽永叔  
評書曰書之肥者譬如厚皮饅頭思正因縮蔥兮何  
食之未必不佳而甘命為俗物  
稱呼煎野食乾侯思正食籠餅必令縮交趾配牛蟬  
今何齷齪餒餒中血如阜英子大問其法乃以牛蟬餚  
去蔡京食蟹黃兮何奢踰鶴林玉露蔡京會僚屬命  
皮蔡京食蟹黃兮何奢踰鶴林玉露蔡京會僚屬命  
千三百凡豐殺之各異由風土之迥殊貯莧腸而覺  
餘縉別饌玉食之弗除乃若經宿未溫餐齧猶喋炕抗以  
烏薪炮以煨燼初微々而黃粟漸班々而鬢暈面開

十字之裂

見前註

肌擘三兆之釁

見月

焦若鐺底之飯

見南史

噍作轆釜之韻芬芬々乎齒頰煖烘々於胃腎

至若油取武庫燧

市林切

明火候饔飪再煎爛燐燐驟

鼎既熱而沫末

騰煙微起而紋皺鯨浪掀而纔投蟹

眼沸而漸透伺鰕黃而杖挑滲豬膏而巾覆盤遊箸

兮難前

仇池筆記云江南人好作盤遊飯酥脯天酥

陀

見藏經

今且後公子於是三變甚佳一飽且憤日約

廚人閑邀賓伴累々

蒸籠饌々

堆案芳馨可掬屬厭

强半且倚几而歌之亂曰環餅兮汗桓玄之畫

蘇軾集桓

玄聚人看書畫有食寒餽者不

罷手執書畫汗之自是不設湯餅兮發何郎之汗

語林何晏面皤白魏文疑其著粉夏月燒餅今得河  
與熱餅汗出隨以米衣自拭色轉皎潔  
東之尉後漢樊曄傳世祖微時曄遺餅一箇後胡餅  
今識董卓之亂續漢書漢靈帝好胡餅京師皆識孰若  
吾之籠餅今可炙可煎可舐可餐可退先生首藉之  
盤可抵富兒羶葷之饌韓詩長安衆富可飽耿秉八  
圍之體漢書耿秉可供馬郁宴集之啖後漢耿秉承業  
與客宴集無或先嘗馬郁為祕書監食之外吾攤飯  
盡有蓮子不可啖郁靴中出一鐵椎過碎食吾攤飯  
應黃門以畫鼓腹於北窓下自謂羲軒上人兮了不  
知晉所嘉字孔賓夜忽窓中  
知意外孔賓之喚  
有聲曰所孔賓隱去來

楫拙賦



古迂子犯寒捐客兀坐書櫺驚風乍颯飛霞微零乃  
擁燎爐重溫翠醺呼指僮僮物色煥新爰有樹本堆  
垛牆陰年深歲故日炙雨淋形模醜怪枝節隱磷膚  
體擁腫鬚髮蕭散液斂而亮質賴而輕皮墜而裂鱗  
皴而皴皴者端糾爪者鱗屬小者蹲鴟巨者立鷹樣  
枵偃蹇錯落輪囷根塊盤互芽枿櫨枿束縕纒界烈  
焰隨興騰々若耐焙々如熏無星礫之膈膊靡烟氛  
之氤氲比濕新而清貴較獸炭而差溫蓋皮毛之剝  
落而真實之猶存僮謂客曰此可供吟翁之受用者  
邪世所謂地爐燒榾柮者非此也邪古迂子曰僮知

詩耳是有太易造化之妙而客亦未之探賾也凡木  
大爲棟梁小爲居楔曲爲輪輿直爲几格彼花實之  
欣榮猶根柢之發越故出而見者爲世才隱而藏者  
爲搢拙受氣春風其沐乾天之膏澤歟養厚淵泉  
其毓坤地之潛德歟葩蟠靚深其抱太畜之真積歟  
脉理綢繆其含苦節之烈挈歟隱而不耀撲而不泄  
捐而委之若斷爛猥瑣不足齒取而用之則溫乎如  
陽和之著物其謙尊而光功用之烜赫歟乃言下頓  
悟僮跽而請曰异哉吾始視此盤根錯節斤斧不可  
析不直竹頭與木屑而主人點臬腐化神奇德倍蓰

而功什百吾乃今始信溝中之斷皆可黼黻動植之物皆具道脉且相與謀攜畚插鉏耨嶧昇萬車置籬側爲主人備隔年之儲而溫存乎江湖游談之客

楷木杖賦

郡同知東平尹公以楷木杖見貽按楷木生孔林墓不產別地喜而賦之

繫千霄之佳醪飲坤維之華滋挾勝地而穎拔擅希世而詫竒三眠春柳獨上林之天苑觀西京玉藻瓊花特后土之靈祠治土祠有瓊花一株天下所無不汗玉枝必西那之遠國拾遺記東方朔得西那國玉枝以進云人病則汗死則折老朋得之七百年不汗優

鉢羅樹惟金沙之河湄

見寶積經

鬱彼孔林淑氣委蛇鍾

爲異木根葉蔽虧仁風拂濯教雨霏微一弓揜闕萬

木歲蕤紋橫兮突枿擱之紫暈色黃兮澹夏槐之茜

姿質韌

刃

兮抱霜栢之堅重膚膩兮繁文梓之陸離

殫江南草木之狀兮未見極埤蒼動植之部兮亦稀

或云四方高第結廬兮手種而其實天以旌封鬣兮

繁々爾其湘妃淚筠剝

果

以爲筦銅雀古瓦窪以爲

硯蘭田璞玉剔以爲璽肅慎石砮厲以爲箭苟遺物

之可人長寶玩而不厭制器用以美觀供几格而留

戀況此木之瑰傑陋凡卉之流行鄰杏壇而嬖媚蔭

掌社而蔥藿可以頓擊邪之笏唐顧少連投笏可以擊數臣裴延紫可以  
靶斬佞之劔可以支弄笛之牀晉桓伊可以柄談玄之  
扇咨尹侯兮賞音瞻素王兮在念謂水上座兮不凡  
以隱君子兮可薦身跋躐兮不危手捫摸兮加絢嗟  
百年江介兮隔越驚一旦曲阜兮對面策之則探仁  
義之脩途凭之則超利欲之阮塹倚之則窺聖門之  
宮牆拄之則陟類宮之堂殿任耘耕扣脛者之是需  
跨挑擲方竹之奚羨裴談李德裕以方竹贈潤州甘露寺僧千百世儒  
家種子扶顛而持危又將以代朝夕葵牆之見

芷花賦

芷楚芳也內則云佩帨蒹蘭一作芷引漢書韋  
昭註香草也說文楚謂之離晉謂之翬齊謂之  
蒹荀子謂之蘭槐又按集韻謂出近道下濕處  
可作面脂其葉曰蒿麻可用沐浴楚詞浴蘭湯  
今沐芳蓋指此也然考之本草白芷下註云一  
名澤芳一名翬一名約一名芳草一名莞一名  
苻離據其圖畫枝葉與近世所種不類未知孰  
是大槩蘭芷蕙蓀種同而開異春蘭葉短而勁  
夏芷葉厚而軟秋蕙葉軟而薄蓀則瘦而健蘭  
一幹一花香爲甚芷蕙蓀皆一幹數花就其中

則芷猶香也養之法好陰而濕日惡濕而就燥  
惟竹下最宜知花者以爲出南劍爲最漳贛次  
之江右蓄至數十盆一盆價百金以年深花多  
者佳惜花譜未有詳者因作芷花賦

相迂園之一弓域芳所之崇墮擷海岳之奇葩挹乾  
坤之清氣旣擷英於含笑存容馨於茉莉驟牕眼之  
濃熏貼徑腹而有扶鮮者芷沃若綠綬不妖不治  
彌幽彌麗便黃壤之淨植蛻糞土之污穢辭原隰之  
高燥畏朱光之午蕤延薰風之披拂貪脩篁之陰閔  
凌隆冬而不凋蓋天同而神詣不傷春而回腸不悲

秋而墮淚故獨傲乎歆蒸而深靚以自媚或謂屈炎  
官之南遊森劍槩之鼎負弄絳纓之陸離導霓旌之  
羽衛或謂臨冰娥之夕昇雜簪珥之飛墜解翠帶之櫛  
櫨拖雲縷而綸祖揆楚芳之一種胡出處之相避拜  
猗蘭兮哲兄友叢蕙兮難弟滋九畹以無心植百畝  
而何意處季孟之匹儔同伯仲之臭味方其未花也  
蓼々獵々郁郁蔚々幽幽悵悵蕭々泱泱茅三者以  
綾層蒲九節而蔽蒂佩水蒼而竦擢瓊蔥珩而搖曳  
及其既花也皜々皜々媚媚媚々媚々芬々芬々  
苾森一箭而數花紛白薤而翠屬屬拱足而護臍爐



裹沈而成穗蓋嘗誼蒿麻之根苗稽薑藟之名字訝  
蘭槐之怪稱疑苻離之別蒂參漢史之芷陽與荏陽  
而同義閱本草之澤芳何秋婆而小異吾亦不知孰  
是而孰非但寶翫而珍嬖羅老瓦之數盆防虺蜥之  
爲祟環一水而隔斷勤灌漑而覆庇效楚俗之湯沐  
希內則之佩悅晒桃李之穠華鄙牡丹之富貴與江  
梅而輩行嗤萱草爲奴婢試游目乎衡茅慨知己之  
難際惟靈均之青眼豈張衡之歎喟擬花譜之重修  
品埤蒼之次第廣騷經之未廣綴柳文之欲綴蓋其  
清也不入移春之彩檻其隱也不卑背陽之濕砌其

介也不趨褊穢之炎塵其香也不溫煖館之綉被蓋  
真伯夷氏之雲仍而四皓翁之苗裔

### 蝸牛賦

大塊噫氣噓萬形兮蛇盤螭動具各靈兮云何濕化  
毓凌陰兮不齧不餐滿設津兮光瑩以滑鮫背明兮  
蕭森以蠹磨切角定兮謂爾爲牛匪犢耕兮謂爾  
爲蝸匪蛙鳴兮族阮濯穢種蔓盈兮緣階升瓮秉冥  
冥兮書牆篆壁空自熒兮寸涎不給竟殞身兮昂哉  
世人其亟懲兮微潤自活盍隱淪兮一捏幾何毋誇  
矜兮灑鹽而斃餘臭腥兮有老媪言以微鹽洒蝸牛  
背上即化爲水爾腐而斃

試之果然蓋蠋生於水而鹽亦出於  
水其相化如此物固各有所異也

牧萊脞語二稟卷一

牧萊脞語二藁卷二上

記

茶陵古迂陳

仁子

同備述

門人譚

以則

伯可輯

柳氏訥齋記

爲柳學正作

瀏陽柳仁達長郡泮內淵蓄而外靚慎啍々若不出  
諸口筮所居齋舍座右標以訥行住坐臥將惟訥是  
思而訥記於余余曰先生奚訥之取士自脫綳卽掉  
脣吻弄啍啞詠梨落籬少長指字之無學洒掃應對  
道古今成敗是非將專對四方祭能誅登高能賦而  
奚訥之取矧先生學日富名日昌大則驅車乘駟口

伐可汗取封侯萬里外次則執筆螭坳按藻翰林倚  
馬草九制又次則峨冠講唐虞坐氍毹招海諸生以發  
揮胷中之浩浩而又奚訥之取訥令德也而非專出  
於性所素有者也乾坤之稟賦不同聖賢之操修自  
別世有雕龍炙輶滑稽嚅唼說難而死於難好盡言  
而僂於言臺之評以爲傾慕之辯以爲叛歟以害  
其生者奚譴而遠於訥也餘口角巧言語窺閒抵巇  
偵意吐辭其極至指鳥爲鸞鹿爲馬千變萬態熒惑  
簧鼓以傾人之國而不顧奚佞而蔽於訥也又其甚  
者緘口鉗頰爲不鳴鴈立仗馬如孔光張禹輩越秦

肥瘠漠然不加喜戚於心又奚默而過於訥也訥非  
譴與佞之謂也而亦非默也用也而藏其用能也而  
泯其能才智也而斂其才且智漆園公有云其辯不  
若其訥辯與訥何似而辯何不若訥也凡人非訥之  
患而不能訥之患聖門四科言語居其次訥非無言  
也難於言也故曰欲訥於言曰木訥近仁近則得於  
天也欲則實假於人也訥得於天樸而且真訥假於  
人愿而且謹今吾與子好語言著文字欲以媚世而  
反取譏且訕雖欲返之訥不可得已吾試俯仰古今  
能訥者幾絳侯一訥也而立功名瑕丘公一訥也而

巧儒學稚川翁亦一訥也而棄榮利棲玄牝吾探數  
子平生非若畢陶之瘠也周昌之期々也又非若韓  
非司馬相如揚雄之口吃以是爲訥也其曾次若智  
囊其機辯若建瓴其高談若出天入神語其功名淵  
默而雷聲也語其文學玉潤而珠媚也語其玄妙雲  
霞五色而收斂若無也訥乎訥不訥乎不訥吾所以  
知先生之訥者因是已閒稽之時揆之事擇焉而精  
語焉而詳用世有日矣而亦豈果於訥哉鷙鳥之匿  
將以擊也尺蠖之屈將以伸也趙武爲晉賢臣將不  
不由訥乎如有用我者曰先生今之趙武

永州零陵縣學田記

永州多佳山水屬邑峙而三零陵其附庸也異時文  
化行民知禮節力田奉公至擷秀穎魁省闈兵後村  
婁且荒縣無所於學初郡侯來長茲邑明政本伐木  
運甕首創黌宮輪奐聿新左學右廟講有堂祀有器  
縣子弟弦歌諷詠政化敦興治聲爲湘楚最獨尚乏  
廩捐膳供越數年侯升領郡符教諭林葵偕郡學官  
請於郡以貢士莊田六十石元隸郡學而撥付縣庠  
廩膳生徒侯主其請以故士論誦之吾甥譚紹烈錄  
郡泮預茲事學正王景曾介以記惟古者良吏先教



化而後政事後世俗吏務政事而缺教化凡人之情  
嚴於禁者法外之微奸或萌束於善者礼義之大閑  
難越故今下而詎起程立而弊隨非法今章程之謬  
也本未明心未淑也西漢循吏六人文翁居其首史  
傳千餘言未嘗曰田野闢戶口增而縷創學官興  
文雅之一端齊王襲太公政治餘韻競富強趨功利  
而乃割萬鍾養孟軻氏弟子使國人有所矜式齊大  
國也其存心非愚文翁賢守也其撫字非迂理洽則  
慾易消民醇則令易入字下赤子游心詩書之園養  
生析楊之外將有潛化而不自知而世之慢且忽者

吾不知其何心居官以勤恪爲高坐曹以通練爲奇  
甲曰督催徵乙曰課詞訴而視泮宮如冷舍訓講如  
嚼蠟衿佩如擣檓散材恬不加省其究乃習俗日漓  
頑梗日盛逋租犯辟甚至盜竊關其後乃繩之以五  
木鉏之以五兵雖曰治之實自戕之風俗大事也庸  
吏忽焉教化要務也當柄慢焉百國梁棟之本心必  
先腐而後蟲蠹乃蠹其膚此輔世長民者所當爲國  
家根本思吾黨士幸生明時文軌一家沐浴德化南  
垂北際凡伊昔漢唐世欲遣子入學者今皆頓顙臣  
僕地不患不闢財不患不豐氣勢不患不强回思三

代盛明井田以養其身庠序以養其心民風媿而運  
祚永宜爲教化悠長之圖侯由縣宰歷郡守方當金  
鼓之喧饒科徵之遽午鞭扑之楚器而乃以超世特  
見造學舍析田壤膳生徒教養隆篤環顧四野桑麻  
敷禁炊烟蒙密賦籍償而不虧訟牒簡而不譁枹鼓  
寢而不驚零陵數千里生民游宴春風化雨中其政  
事超俗吏幾倍一縣者一郡之推也一郡者天下之  
推也侯以福一縣者福一郡行將福一郡者福天下  
頒治法詢政譜寰宇官吏將皆如侯其世道隆平之  
一助乎匪但爲零陵私

譚氏古愚樓記

古愚愚於愚今愚愚於智名雖同而趣則異者未易  
言也鴻荒之初標枝野鹿何世非愚赤子之天恫侗  
顓蒙何人無愚聞竊睨海宇騁聰辯蒙機械斷撲滋  
僞回較浩古宛若隔一宇宙余少也撝材華穎慧觀  
天巧發策決科今雖皓首尚播弄綺語勾引雌黃塗  
抹殊失如愚氣象各政坐此外第譚成大卜所居門  
東池面構崇樓榜曰古愚似有箕穎濠梁之興余登  
其上味其義尚愧未達也余且問子之愚將得之天  
乎心乎粵自性習近遠之等立人以愚爲恥自退省

不違之論定人以愚爲貴太虛閒一點精靈之氣散  
在世人心胷具衆理應萬事曷嘗直賦之以愚故其  
愚也雖未嘗有所賦其智也亦每斲於所賦凡受其  
智不可盡其智盡之者天之所忌也聖賢君子以愚  
韜智凡夫纖人以愚飾智以愚韜智遊於道德而近  
古者也以愚飾智陷於罪戾而非古者也愚者何眈  
眈其朴而窈々其深也淡々其味而浩々其體也雖  
非令名而有真趣焉奈何世之不皆愚也非但不皆  
愚亦不識愚銅臭之輩百萬一聚表以黃榜千萬一  
庫挂以紫標有愚於錢者矣北山老父面太行而居

惡其出入之迂也聚室謀而平之直不滿河曲智叟  
一笑有愚於山者矣河南之子玄長沙之蛻用心譏  
述著史通內外四十九篇聚文草二千一百八十紙  
封之土有愚於文字者矣古何如愚今何如愚愚於  
山水文字且不可況以錢愚凡此愚者名與趣俱失  
之也識其趣者可周身可用世可養心而非懵焉其  
無覺也甯武子先智後愚百里奚先愚後智卷舒語  
嘿自有當然之則而人不識也以故溺於貴者居中  
書數十秋而不知退溺於富者積胡椒八百斛賜錢  
緡麻一車而不知止其究嘆黃犬墜金谷首抵溷而

穢穢塞其咽但覺癡且騃耳於余愚何如也語曰聰明睿智足以守愚又曰大智若愚智與愚本相對代不相侔也而隱然有相助之道余復觀世假愚飾智覆奔以錦藏刀以笑者何限指鹿以愚其君阮焚以愚其民竟不免嬰刀之刺軹逴之降吾不能自處於愚更欲愚人人未愚而吾乃先愚所謂好自用而裁及身者類此聖賢之愚自與衆異固古今直詎所以分賢否安危所以判也今余與子耕雲釣月採山汲泉抱愚不試上下古今將安所歸愚於愚者莫若顏子愚於智者莫若子厚顏子以簞瓢陋巷之樂心齊

坐忘之功三月不違遂亞大聖其心也如愚其所以  
發也未嘗愚子厚之才卓偉精緻豈不可愚如顏者  
壯年干仕進附非其人囚身湘南始悔而欲返於愚  
併取溪山臺池日夕釣遊者一切愚之夫以子厚之  
心不能自愚而乃欲愚其溪山臺池彼若有靈非但  
不肯聽命於子厚之愚亦且切齒於子厚之不克愚  
也愚兮愚兮則願相與壽之將爲真愚毋爲下愚將  
希顏子之愚於愚毋希柳子之愚於智匪雕匪琢不  
競不絀毓蒙泉而游羲黃混愚之名極愚之趣庶幾  
浩古之愚尚可髣髴形似豈但曰朱穆專愚乎



雲陽小隱記

大隱不在山小隱不在塵隱亦有小大乎余隱者也  
聞諸至人雲陽之東赤松之墟可以避世可以隱居  
舊家雲陽山吏建書閣續道脉以衣鉢授同志就取  
平生竊言綺語度閣以藏誓將屏世念與潛夫逸人  
游歌閣左側聞彭仲慶家長沙雲陽門讀書著文有  
肥遯高尚之志扁其軒曰小隱子旣隱已猶以爲小  
乎山莫太於泰華而敦丘爲小水莫大於溟海而坳  
堂爲小物莫大於鯢鵬龍象而騅駼螭爲小此以  
形迹論也隱以形迹乎哉隱無小大以迹爲別迹無

小大以心爲別故世之所貴乎隱者葆其光而不耀  
抱其貞而不斲非必匿形藏影放浪乎壙壤之野槃  
礴乎荒涼之蹊也一閩之市有箕穎焉百雉之城有  
盤谷焉于其天不于其人于其實不于其名身軒冕  
而忘山林不待挂冠而後爲高跡朝市而情丘壑不  
待索居而後爲奇故書非隱而鶚冠子隱於書鍛非  
隱而嵇康隱於鍛酒非隱而陶潛隱於酒屠門之朱  
亥卽隱者之朱亥藥市之伯休卽隱者之伯休隨寓  
皆隱也隨隱皆天而實也晉人有言會心處不在遠  
知此者可與論隱之小大者也子且以處士若和靖

逸民若康節小乎大乎和靖結廬不離西湖康節行  
窩不離西洛當是時也王公造其閤交友接其席高  
談劇論非鑿坏而遁若顏闔也非踰垣而逸若陳烈  
也非期年不入城若龐德公也而囊無封禪之書學  
傳先天之易富貴不能淫貧賤不能移車馬遊宦之  
塵不能浼此其胸中所存何如也而又有甚於此者  
古今樹大功業建大名聲孰若漢之留侯唐之鄴侯  
留侯以沙上之隱報韓仇而興漢業運籌帷幄爲萬  
乘師鄴侯以芋爐之隱平僭竊而復唐緒出同輩與  
爲萬乘友功成身退幡然乃從赤松之遊讀衡岳之

書舒卷進退了無罣礙余嘗欲作隱書取心迹雙清者爲一編以二人冠其首未暇也彭氏家雲陽門自緼小隱其必有考於此易曰龍德而隱者也龍雨大虛撒雷電輝焉負焉濡濡焉其爲用也非小少焉牧斂神功棲藏岳穴自視若小焉二人之隱其猶龍乎隱之小大心也非迹也此吾夫子所以不滿於石門荷簣之流者也賢者辟世其次辟地使果若是則凡所謂隱吾見其爲大不見其小

用拙齋記

萬事逸於拙萬念安於拙蜻蛉之掠飛蟲也其機變

不如蜘蛛之緯網振驚之引魚鰕也其智力不如淘  
河之竭澤而蜘蛛不免抱螫膚之痛淘河不悉償果  
腹之欲巧固不如拙也晉王愷愛八百里駁至耕墾  
也竟用烏犍曹瞞有難評大象至駟置也仍用駿馬  
孰爲巧而孰爲拙也此巧拙之辯也余抱拙如鳩少  
弗克荷戈負父效葵衛之忠壯弗克攀鱗附翼依日  
月之光老猶耽書建精舍與英俊講學爲世閒畸人  
學正柳公爲余言乃叔父宋英性亦用拙扁其齋詒  
余記兩拙相遇其何以自解拙雖非令名也亦司造  
者之所靳而不輕賦也似愚而實知似癡而實黠固

人之所不宜有而理亦不容無也善用之則以勤補以智藏任自然而安天理不善用者反是故愚公非果愚癡叔非果癡蒙莊之拙於大用者非果拙而世或慙焉愧焉且諱焉何也啗衡廬之芋何如飽大官之腴立師門之雪何如圍綉幕之春映書窗之燈何如對照翠之檠彼以我爲拙我亦以彼爲拙彼以我之拙於不用者而藏於用爲癡我亦以彼不拙於用者而役於用爲癡兩是相形莫知其所從及觀英雄士騁聰明弄精魄自以爲極天下之巧韓非工說難而僂於難孫臏工談兵而僂於兵劉晏工理財而僂

於財卒不免自害其身至此雖欲自悔而歸於拙難  
已若是者拙果利於用乎不利於用乎拙一也而用  
之或不同潘安仁柳河東之拙也杜少陵周元公  
之拙亦拙也潘柳不免負阿附之咎而少陵詩名與  
日月爭光元公圖書與乾坤臻妙以當時觀潘柳之  
拙猶之二子也以身後觀潘柳之拙大非二子之拙  
也人生也有涯知也無涯以有涯徇無涯殆已故巧  
非難而拙爲難其巧猶可及其拙不可及今吾與子  
長甘貧長樂道長養黎茹糗寧拙於身毋拙於心寧  
拙於時毋拙於學寧拙於富貴毋拙於聖賢不忍哉

本然之天而徇一卅之欲者蓋將以存吾道也彼喭  
喭然曰拙曰拙豈果若卅之真拙云

### 自牧齋記

余居鄉牧萊涉江稍南行六七里許一聚屹乎饒溪  
之坡下者儒林譚氏也文則最晚穎垂帳族里往來  
十餘襍以自牧名齋竊窺文則習中潛探聖賢傳心  
之訣渙若釋壙若悟其慎也若樸其蘊也若固其泊  
榮利也若無所羨似無心猿意馬者焉用牧凡物之  
牧猶有待也心之牧似無所待也齕者飲者莖者秣  
者苦蓋而草藉者時飢飽節收放恣起臥踴躍上林



之牧以卜式海瀕之牧以蘇武此皆有所待乎人也  
心則何所待也發於卒然忽然之頃氣怦々而理不  
能勝膽雄々而力不能制神色憧々而義不能釋一  
意思之差縱五兵攘六鑿即瀾漫不可收拾至有終  
身不諧於道者此豈可專待於人而後牧之邪心活  
物也一與念行萬里一交睫遊萬古著於富則珠取  
驪領金伐麗水思馮河而不悔著於貴則蠅集瓜上  
犬吠寶閒思鑽穴而不忸著於聚斂則頭會黔首緡  
稅閒架思剝廬而不恤著於殺戮則戍發閭左卒阮  
長平思血刃而不顧著於求仙引年則橋鞭海石臺

建通天思凌霄而不憚當其乍動而乍思也鬼神且不能前知也不由乎我況由乎人由於我者漠焉不知牧而晒々然待牧於人不旣晚乎身吾身也心吾心也自種者自艾自然者自撲護兮酒兮懲而檢兮憍兮暴兮磨而刮兮凡吾所以養於根而不待其茁養於稚而不待其壯常恐毫髮不謹貽類自身殆鑿鑿乎如印印泥各不可刊吾無乎諉亦無乎待也象不牧其傲也自溢而爲琴牀之珣管蔡不牧其言也自積而爲三監之叛三家不牧其僭也自稔而爲乾侯之弑牧馬者必於駒牧鹿者必於麋牧於其萌猶

可藥也牧於既成不可促也而況人心自有不同者  
焉鯨一是一非也自以父子異惠跖一善一惡也自  
以兄弟異堯舜之驩兜共工桀紂之伊尹比干一賢  
一不肖也又自以君臣異習與性成雖至親至暱不  
能奪其偏矯其流而奈何以心之牧者待於他人無  
預於我亦無待於人如人飲水冷暖自知此未易  
與俗人言也牧要事也惡乎牧於牧惡乎不牧不  
牧於不牧釋老之牧非不知自求之已而與吾聖賢  
則異矣釋氏寄其牧於清虛寂滅之境老氏寄其牧於  
導引修煉之功清虛寂滅喪其心者也導引修煉役

其心者也吾方牧焉而喪焉役焉將以自牧適以自  
誤聖賢之牧曷嘗不求之己亦曷嘗止於爲己寓之  
修齊修齊亦牧也寓之治平治平亦牧也寓之佐天  
子理陰陽而佐理亦牧也易曰卑以自牧之道非  
一端而謙特其造端也嗟乎牧其至矣哉或曰心牧  
則自求矣若國家宅牧而寄之九牧十二牧俾求芻  
牧者法當何如曰善牧者自然不善牧者使然自然  
蘄於天者也使然蘄於人者也由吾心推之天下國  
家一而已文則乃言下頓悟取一通置座右夙宵三  
省而自觀其所以牧

永州重修路學記

三吾郡學甲湘南峇峯面涌瀟水縈環右廟左學歸  
然貫岳腹其高明可舒遠大之觀其美塏可消鄙吝  
之臆士脩習是閒袷佩飄蕭絃誦吾伊摩霄漢而撼  
風雨奇傑魁壘彪炳錯出歲老且蠹屋圯弗克支懷  
遠將軍陳侯守是邦閱大載政平訟簡濯々有能  
聲聞覈金穀崇儒宮謀諸同寮協贊新之初鉅教以  
伸王學正景曾丁學錄震孫首葺礼殿甫成辭去大  
德丙午春余甥譚紹烈錄學事是歲夏子桂踵爲教  
邢震繼爲正教養講課秩邊豆奠謁乃遵侯意繕完

采藻亭其前燕居拓其後繚以杏壇簇以天棹思樂  
二亭房櫺閎敞丹堊鮮煥壯麗倍舊介甥請記余惟  
仲兄向嘗正類宮似有通家好奚敢辭第循吏政教  
之說前具筆之零陵縣類姑置因念學校者道所寓  
也而皆由上下各盡其分傳云君子思不出其位  
者何分也位居上而董學校者盡職分以明道位居  
下而處學校者盡性分以學道寓之以地行之以人  
舜禹湯文纓契伊周振其綱而修其紀孔孟顏曾由  
夏章丑詰其疑而挾其祕律度之所防範問答之所  
辯析天經地義民彝物則皜々如日行天習俗醇而

世運昌敦讓興而姦先屏皆隱然有所寓而行乎其  
閒也學者三代所共也膠庠辟雍之制立於畿內而  
黨庠術序達天下鄧子產不毀鄉校何地無學孟軻  
嬉戲設俎豆何人不知學未嘗眊々然待於官也庠  
序泯琳宮梵宇彌滿井里而學宮一二僅懸於當路  
者之網維蓋古者儒教獨立而學校盛後世儒釋老  
之教參立而學校稀其閒篤意教養若文翁守蜀任  
延守武威暨文學之衡博士之愈以爲職分當然者  
史氏書爲奇事至捐金指困飾方士瞿曇之居並不  
書其優劣何如也士生三吾幸遇良二千石郡文學

掾各盡其分敦勸主領過其境桑麻布々焉入其郭  
黌舍嶢々焉巡其閭巷阡陌耄倪信睦風俗恂々焉  
直有鄒魯氣象余將諭諸生曰世之牧守有如張忠  
定公乎忠定在益州興學校延獎學子取科第歷美  
官兩川文風大振凡教化明則令易行礼義興則民易  
使今牧守古忠定也次讚諸生曰世之學官有如范  
文正公乎文正掌南京府學宿館下訓督有法四方  
輻湊來學後有聲場屋朝廷者皆公所教凡居一官  
者營一職受若直怠若事殃必逮身今學官古文正  
也又課諸生曰世之耽誦讀者患無其所無其資匡



鑿壁孫映雪邠原嘆無書至負笈從師千里外賢牧  
守盡分如忠定學官盡分如文正關齋蕪豐館穀富  
軸籤地與人交用吾情既有其所復有其資回省吾  
身五常萬善皆吾性分所自有正心誠意端其本致  
知格物通其變窮理盡性探其賾闢太學之藩垣造  
中庸之閭闥泛航子史百氏之烟海特轉圜脂轄易  
耳況三吾山川英靈駘蕩爲仙爲佛者不少獨不可  
爲聖爲賢乎環顧四封老文學而頌唐碑挾經術而  
魁省闈前芬猶未沫也風簾竟磨月席追琢將爲天  
地立心爲國家開太平盡吾分以不負在位者盡分

之心他日圖謀信史書曰某郡守也興學某學官也掌學某生徒立勳名也出於學將持此誇傳人間世

### 彭氏孤石記

石奚以孤而奇也石者元氣之核而大塊之融積者也天祿碑邠莓苔掩冉以古而奇也山鬼水魅薜荔延緣以怪而奇也伏獬臥虎坡陀犖嶭以詭形譎狀而奇也孤石奚從而奇杜陵奚愛而吟彭氏申伯又奚比而自擬也傳曰孤立不倚周官三公三少少亦曰孤皆取其峻潔不羣者也石兮石兮其果孤兮余少嗜石不減奇章公平泉老意行山礧水碕恣蒐獵

其間窪如竇偃如枕坦如几剡裂如巖广森聳如笙  
筦風露之所磨洗雨日之所淋漓霜雪之所剝剝可  
娛目者何限驟焉孤峯壁立萬仞出乎叢薄之間烟  
雲之表難以伯仲相背項甲乙相銓次則爲之躊躇  
倚徙不忍去故於北見太行之磯砢而岐陽之鼓磊  
磊乎其孤以列也於西見劍閣之峻嶒而成都之筍  
纖々乎孤以卓也於東見岱宗之魄礧於南見靈壁  
之礧何而秦壇之礧良岳之岫又稜々乎其孤以騫  
也潤兮滑兮聳以拔兮斬兮崔兮羶以削兮而尚恨  
未見其人如石之孤以立也乃於長沙彭申伯有取

焉申伯耆儒也其丰姿峭拔其氣象傲兀清而勁匪磨而磷疎而擢匪俄而度巨靈不能擘五丁不能鑿嬴帝不能鞭可攻玉可供硯可登青州之貢可膺陳帝之封可當元章之拜謂子非石曷孤其形謂子爲石曷孤其心易曰介于石中庸曰一卷石之多介乃孤之權輿而卷則其體段也人惟自處之過剛則其於世必不合不合則必至於獨行而無羣石性剛也而孤人乃愛之而人何與石異也吾黨士抱廣平賦梅之心腸 易中庸渾灏習次故難削其孤以混世亦豈宜折其剛以徇世苦於卓抱於獨孑立而不流

穎出而不比假設夜半有力或負而去幻而爲西湖  
之孤山固逋仙處士之所遊衍也詭而爲章貢之孤  
臺固坡翁遷客之所夷猶也大而化爲彭蠡大小孤  
嶼固六一晦翁莊人雅士之所賞愛也斯人也而其  
孤有若斯石也孤石或可泐智中之孤不可泐孤石  
或可轉智中之孤不可轉孤石或可磨智中之孤不  
可磨石邪人邪德不孤必有鄰吾意申伯智中亭  
磳在天壤間又當長與斯石對峙不甌以裂夫何  
病於孤

樂亦樓記

物品雖異其性均也境界雖殊其適同也人類雖別其趣一也曷爲樂曷爲不樂大莫大於鯢鵬而斥鴳小鯢鵬徙南溟斥鴳捨榆枋鯢鵬樂而斥鴳樂亦也翔莫翔於飛鳶而遊魚潛鳶矣天魚躍淵鳶樂而魚樂亦也富莫富於封君而匹夫妻封君擁千乘而匹夫無敵國外患封君樂而匹夫樂亦也壽莫壽於彭祖而童烏殤彭祖閱興亡而童烏無草玄之撓思彭祖樂而童烏樂亦也髑髏之樂不易南面稱中之樂不減商山藜藿菽水之樂不下淳母八珍樂有天趣未易與俗人言也天下之樂本於天則真則無所

羨亦無所待繩樞木榻飯脫粟酌老瓦盆悠然會嗒  
然隱未嘗蹙々焉曰不足了不知穹壤間復有侏儒  
之飽巴婦之積蕭門八葉之貴爲可歆可媒者天也  
故鳬頸短而樂續則憂不續亦不憂也鶴脰長而樂  
斷則悲不斷亦不悲也此天說也余季弟益甫之樂  
將皆天乎少讀書當強仕之年而不謀仕卜園林一  
弓創屋數楹朝夕游詠寧飯蔬寧汲泉就西偏作小  
樓扁曰樂亦余曰子樂矣子之樂世俗可樂也世俗  
可樂而不能有此樂金埒之藏笏牀之堆引其前而  
奪之而余弟乃能有其有焉幾天乎吾嘗論世之得

天趣者必有悟入顏子陋巷之樂其悟入也在心齋  
蒙莊逍遙之樂其悟入也在齊物淵明盤桓之樂其  
悟入也在歸去來心齋游乎天也齊物順乎天也歸  
去來安乎天也尺澤之雉林邑之鸚鵡深山之獼狙  
麋鹿畜以雕籠食以稻粱衣以文綳不樂也驅而放  
之菹飲啄笑啼無不如意物固各適其天而樂也世  
有好飲者以醉爲樂好睡者以寐爲樂非其閒果有  
物可娛心也利害不入於醉鄉是非不橫於寐境其  
天全其樂亦深余第益甫之樂余竊窺之矣一年畚  
土繕垣二年種花蒔竹三年釀酒端客圍碁賦詩視



世間理亂黜陟了不聞問顏焉斯焉陶焉其樂亦必有悟入焉以瓦甓者巧以鉤甓者憚以金甓者憎矜於外者拱內此悟入說也既悟已天全而樂深以其所樂暇日益肆餘力加向上工夫又當求聖賢所以樂

闢儒堂記爲涪水鄭學正作

涪鄧國望築舍一區種竹萬箇將歸爲講訓所念舊交長公叱馭溫存索余溪隱且言異時息齋李公持節使南交過其廬作墨竹手卷題曰大闢儒風廉使新齋李公踵記之今海摘闢儒二字名堂丐一言自

釋余曰大塊噫氣號天籟而怒萬竅融於春薰於夏  
凜冽於秋冬大木之畏佳似鼻似枅似圈似臼注者  
激者謫者吸者揚沙踣屋松撼半天蒲弄輕柔各以  
其聲應而獨不見之刁刁之調々乎聞倚碧鮮蕭疎  
玉立微飈過之颯々焉瀟々焉徐々焉參々焉回薄動  
盪磨夏清越萬葉龍吟冷々乎瀏々乎觸之而愠解  
襲之而肌清若與儒道相似儒道淡而清幽而深紆  
餘而汪洋噓以仁義煦以礼樂披拂以詩書倫紀注  
如捕風不可捫摸而能心天地命生民太平萬世吹  
萬不同微々相著亦有潛化而不知所以然故天假

竹風以鼓萬物人假儒風以棟萬古一種清氣並行  
太虛閒而不悖余試共盱衡人間世其來也凡幾而  
所以來也將以其地以其人秦晉之風多勢悍燕趙  
之風多慷慨吳越多佻儻鄭衛多淫靡獨齊魯詵々  
文雅子且以爲是固然也非乎而奚舉世不皆然也  
汶陽之濱鄒嶧之墟鼓元氣管蠶翁爲教父父者蓋  
有在而匪固然也動之化之其體鉅其機神其功庸  
爽快吾亦不知清韻過此君幾等世稱孔孟之道與  
天地並其地邪人邪天之風著於物而物不知孔孟  
之風著於人而人亦不知也乘堅策肥今之風若燕

若趙若吳越者不少矣而獨不皆齊魯者何也齊魯以文雅文則淡雅雅則難合曷振而動蜀鮪而入亢焉捍焉嗤且訕焉在吾黨士不得不任其責也吾老矣尚不忍捐素業暇日肆餘力創學宮折壤市書廩海內學子窮年講貫庶幾爽籟吾伊或可砭人骨清人懷濯世塵而滌歌盆矧國望司教耒上爲今太宗師歸而闢之特一揮蕪易耳儒者何世道所繫也嘗一厄於阮焚矣賈董獨闢於洛都廣川而不悔嘗再混於清談矣文中子獨闢於河汾閒而不倦嘗又蝕於華戎之戰爭矣周程張邵獨闢於濂洛關右而不羣

當時觀數子不知其聞者爲可  
數子在當時亦不  
知其所以聞者爲可辭千載而下  
洒然猶可挹孔孟  
遺風旁薄六合一縷薰焉服媚而  
不絕者數子力也  
吾與國望其獨無意於斯乎則願  
相與勗之清陰滿  
林琅玕挺直國望坐皐比招諸生  
林下坐春風中將  
隨撞擊吟弄各有得襟袖飄蕭豈  
無詠歸若點者籜  
兮籜兮風其吹女  
儒兮儒兮聞之在  
子吾將寓目焉  
國望國望毋多讓

漁所記

漁寓也至人逸士之寓亦漁也烟波之沈冥風濤之

搏激澄潭重淵之潛濤蓄世一蓬飀駛雙槳月寒挾  
筌孤孤抱罾柳罾莊交載竿簪漱筍單焉菴焉又焉  
將任其所之而漁焉誰謂無所誰謂有所富貴之桎  
梏朝市之垢臘脫世間所羨而何競趨於漁也漁者  
之樂隨寓隨在難限以方難徵以居難綴以尺籍伍  
符征者不能譏豪者不能奪追脊者不能墮突凡有  
類必有所有所有必有爭爭則不得以自遂其樂傳曰  
漁者爭隈魚所也漁之爭隈原於有所吾嘗求世  
間善漁者其小則繭絲爲綸芒針爲釣剖粒爲餌董  
董趨灌瀆入滂池所守不過鯢鮒鱖鯊其大則搓綸

爲網碇石爲筒編木爲梁浮具區絕呂梁沂龍門出  
沒江河淮濟之瀆垂涎乎橫江之鱗又其大則巨縵  
五十牂以爲餌將與龍伯國人暨任公子者流躋溟  
海晝伺夕捕併駕海之鯨吞舟之鯢戴山之鰲欲一  
舉而空之若是者以其有所求非有所以其無所未  
嘗無所漁不可定所索達者寓於漁隱者寓於漁善  
養生者亦寓於漁將逃名將避世時乎沼沚時乎江  
河時乎滄海巨浸隨所寓皆漁也徙而之雷澤雷澤  
可漁也徙而之磻溪磻溪可漁也徙而之嚴瀨嚴瀨  
亦可漁也惡乎漁惡乎靡漁惡乎所惡乎靡所泛兮

渭水之莊周謬兮楚江之詹何洒兮笠澤之天隨子  
釣徒散人了不可羈人皆漁而地皆所也邑友譚氏  
伯可之漁則又異迹不漁性不諳漁向大塊中間乃  
私尺寸美地岸焉爲漁戶長喙々號於衆曰漁所子  
果漁乎漁所有卷陌而子之卷陌奚似漁所有器具  
而子之器具奚屬世若索子之漁將由何所索之吾  
竊窺子曾中取々不羣上下四方無門無旁偃息道  
德之鄉夷猶仁義之渚放浪文字詩歌之灘瀧以六  
經爲舟航以子史爲網罟以百氏爲霖霖差詠投以  
羣儒之芳餌鼓以點勘之桂枻涵咏以吾伊之椰音



歟乃計其所得將天下莫能載方之淵河以東蒼梧  
以北莫不厭若魚者味奚止此嗟乎漁非漁而有真  
漁焉所非所而有妙所焉世方寓於漁而伯可之漁  
又其寓者也唐劉蛻有言漁者之利倍於陶稼此之  
漁將以利天下非自利也且伯可之漁之所村迴以  
深浪恬以平別一人間世雖日漁其中將不倦且勤  
焉子其漁乎子之漁誰爭子所

李氏畊雲堂記

雲起太虛塊漭紛郁升降飛揚於韓如布於周如輪  
於秦如美人陣雲如立垣杼雲如杼軸液爲露蒸爲

雨捧日爲霞變態萬狀渺不可羈蓋天地閒至清至神之氣融聚於此龍神物也水下土神變化亦假之以爲助茫洋窮乎玄閒士有抱之而畊者曷嘗屬韉負楫若夏畦者流攄々爲溫飽之圖盪奇習洗塵襟蓄泄靈異膏潤筆尖將神其用以雨蒼生凡世之韋藩木槌而巧龍斷者不及畊金章紫綬而乘鶴軒者不屑畊黃冠緇褐而棲心玄寂者不知所以畊一片閑雲漠々悠々招不來塵不去與自家政自不相著雲清氣也畊雲清趣也挹清氣研清趣自屬於清爽出塵之奇士吾與雲相遭雲與吾相入耘之耨之刈

之勸糴錢鋪日尋其上如魚鱗出而用世卷舒出處  
宛若出岫之無心其閒志於眠雲者畊易惰志於梯  
雲者畊易畫惰則工力內弛膏澤不下於浹物畫則  
精神外驚道德不周於潤身世閒雲其起也無盡其  
畊也亦無盡稼勤者獲倍力勞者蓄富是以耕於道  
爲聖爲賢畊於舌爲經爲史畊於筆爲騷爲雅吾畊  
雲也種而蕃々而大大而化黯焉嫋一穗脩焉彌六  
合渺焉觸膚寸沛焉被動植謂雲爲人神無方也謂  
人爲雲神無異也雲在天畊在人雲之畊亦幾神乎  
李教似翁畊雲士也其畊何似畊於雲者是亦雲也

家未南浦襲朱旛卓蓋之裔分片雲而畊之當勢利  
薰灼之餘且負笈從學雲陽東雖海陸驚濤不變其  
素行與雲俱坐與雲對少焉儒長焉師是撫是袞將  
取償於年豐臥雲榻飯雲子洒紙上之雲烟泛盞面  
之雲腴似若不以水旱輟畊者而雲之畊亦似有待  
也樂堯舜而畊莘野比管樂而畊南陽友陳黃晁張  
而畊黃之故營三數君子器無畚鍤衣無襜褕何地  
非雲何畊不雲々與人本不相待而似相待也異時  
發爲事業絢爲詞華非烟非霧艷慶霄而麗詞林不  
起乍合乍淡乍濃了不見其迹雲兮雲兮吾與爾畊

兮隱林谷澤毛羽欲畊而冀其畚耨沆瀣澆書硯將  
畊而植其苗工詞賦氣飄飄既畊而旣其根其究也  
作商霖甦湯旱峙乃周孔之困廩俟其成而食其實  
吾不知公爲雲乎雲爲公乎抑公與雲皆神矣乎或  
曰公畊已後公而興者亦有力於畊乎曰似翁轍環  
蒲湘掌教泮宮以斯文爲已任而又淑其子接武氈  
席與海內師友相講貫相琢磨取不盡用不竭直留  
寸地白雲與子若孫畊焉則又隱几呼雲而誓之曰  
居也吾俱出也吾從將世世畊乎其中四方上下與  
雲相託於無窮

楊氏淥潭記

淥綠也。兵都賦所云。亘以淥水者。何奇也。余閱水經。漉水出醴陵。漉山西過其縣南。淥水東出安成鄉。翁陵山淥漉聲相近。後人藉便以淥爲稱。家距漉江十舍而遙。未及履其蹟。希點楊先生主紫微師席。假淥潭標齋楹。且言淥水出其邑。平明暎升。有青烟微如縷。浮溪面輒之。可縑綈袍。色鮮更碧。出無定所。陂塘井泉間或一見其見也。則有以文瑞當世異時學宮。左有淥泉一泓。爲甲氏豪奪淳祐間。侵地復希點從叔祖愚齋高峯相踵登奉常魁舍。選持節當路。楊氏

一門乃專其瑞後潢溪丁公接武魁省闈衣冠爲湘  
楚最其說似與水經小異臨別誦一言以記余曰奇  
哉淥乎淥何取於水也江鏡磨銅一碧萬頃以色而  
求青可染指若淮水淨不可唾若蒸水蒲萄初潑醅  
若漢水以至狀似鴨頭若靺鞨白山之水均是色也  
何奇也天以一生地以六成器雲氏以四大合上通  
漢津下行黃壤東內沃焦西出崑崙流轉宇宙間蒸  
露雲雨滲液泉石興寶藏而融異人其妙用浩不可  
詰泓澄滉漾洋洋悠悠抱而北者村之北必富且貴  
背而南者村之南必窶且貧至其潞爲淵爲池不南

不北如蓮葉而滯乎其中者必有元夫鉅人出乎是  
間故洛川卜而姬姓之年卅以永胡山鑿而莆田之  
朱紫以盈其氣脉蓋有隱然相關者天地之氣盛大  
則融畜融畜則殆有發泄之所或吐清泠以活渴火  
或孕靈植以供卅用或鍾才華以揀乾坤岳麓之東  
翁陵之西有泉流瀕激灩澦澄碧如按藍如浦翠如凝  
黛髮天光雲影俯仰一色而又濫爲泉迤爲河匯爲  
潭深澈無底發揮文明之氣以瑞天下而何楊氏襲  
然獨專其奇也漢史言潁水清灌氏寧晉史言淮水  
塞王氏滅以淮潁幾百年英華之所蓄而灌氏王氏



二家各專之則潁水爲灌氏一門淮水爲王氏一門而淶江帶溪一線之綠又將爲楊氏一門希點身鍾淶江之秀曾蟠淶潭之奇以德深其淵以學浚其涯又以文華漲其波瀾其瑞世將有日矣觀斯潭也豈但以色見我於其行正柔鄉水經之疎陋就筆以記淶淨無塵潭深無垠符其瑞者其在子乎其在子乎

### 族雲樓記

雲以族而兩人以族而壯相聚均也余族序蕃卜父叔諸習之爲書院率族子共海內豪俊日夕肄業潛探聖賢之蹟復度迂樂園西瞰市衢構麗譙五閒爲

聚族都會敲茶曰唱觥籌時舒隱懷就假蒙莊族雲  
二字以名或訝曰雲待族而雨而人非雲也余曰人  
猶雲乎哉雲方起方滅人方生方死其初蓋一而已  
一生二二生三至萬驟而合乃驟而離驟而盛乃驟  
而微雲與人皆無定也而人又有不可知者厥初叢  
焉生冒焉合何所修而爲父子何所係而爲兄弟又  
何所根葉而爲祖若孫品則有倫系則有譜序則有  
昭穆吾亦不知聯爲天屬者何自而視爲塗之人者  
何心天下之理聚則散散則聚似難以膠漆固而絲  
繡綴也吾聞窺天宇觸石而起膚寸而合如鱗如絮

如車蓋如白衣蒼狗千奇萬狀變然出封中沛然而  
天下渺然度天末散海角漠々悠々迹不可羈也氤  
氲々形不可摹也而人乃有不雲若者雲之散也  
可復聚也族之散也吾意未必能再聚也吾視吾族  
系江左廬陵王裔繇高州刺史以唐武德屬籍東山  
距今七百禩幾富幾貴幾賤幾貧雲起霧涌亦漫不  
可稽也而吾自髫髻稍知事吾大父同行者十數人  
而今無一吾父同行者尚四十餘人而今無四五吾  
父吾伯叔之子與吾爲兄弟行者七十餘人而今無  
半又其下爲姪爲姪孫行者不知其幾而今亦不免

失其數十方其先於吾而生也猶雲氣之翔而不可  
抑也及其先於吾而逝也亦猶雲行之駛而不可留  
也方其隆盛而烜赫也猶雲之五色而霏甘霖也及  
其流爲工商降爲皁隸逸出爲浮屠老子也猶雲之  
隨風引去而倒影滅沒也凡人生卅百年能幾其間  
開口而笑者又幾往者過而弗克追也來者續而弗  
克知也愚者弗克砭而寔者弗克腴也痼者弗克療  
而殤且夭者弗克延也嗚呼其亦可感也已而柰何  
或以勢相凌或以力相雄或以田園錐刀之爭而相  
仇也吾念此久無范公義田之氣力又無蘇老譜亭

之筆力每愛先賢與族月一會而族有遠歸者亦一  
會秋老無雲桂杪吹香乃招族里少長羣季攜酒穀  
吟風弄月倚闌而歌曰雲屏々兮曷長凝兮族鱗々  
兮曷長興兮嗟我宗之人其時一聚以綿我雲仍兮  
歌甫半天末微雲橫度霄漢如足練須臾飄散星朗  
月白族子弟乘興罷去余亦悄焉懷嗒焉臥回首片  
雲不堪持寄而姑寄情於斯文

牧萊脞語二豪卷二下

記

茶陵古迂陳

仁子

同甫述

門人譚

以則

伯可輯

劉氏溥平堂記

轍安仁西二十里曰溥平地瀕江邑流匯焉灣碕衍  
袤沙嶼綿聯山廢廢以圍屏水濼濼而縈玦賈胡僉  
父帆篷上下時欵乃而歌估客樂蓋山水清絕處大  
宜隱宿儒劉君用甫居之躬誅茅結屋三間屋傍平  
疇縱橫數十畝曰先子敷遺我後人休者也肯菑肯  
穫矧肯弗緣田小溪蜿蜒貫大川爲機輪連筒以溉

歲常登不侵春水生脩鱗乘湍上布霖以捕大或專  
車小亦盈尺乃呼樵青斲雲礪解魚炊杭廚煙不絕  
如縷用南樂之且掠其名自號而以身都是聞其姑  
自名而遂止邪抑將究心學而後止邪將用志廣大  
夷曠不矯世不止邪蒼蒼正色杳無畔岸覽者恍焉  
茫茫堪與少有窪闕流者趨焉俯仰其間視身直一  
稊米泠然御風騎氣逍遙乎鈞天之臺壙壤之野渾  
渾浩浩何物不包坦坦臚臚何適不均世之至溥至  
平無越於此而吾蒿目人聞世乾坤非不廣大人第  
恨其局促郊原非不坦夷人第恨其崎嶇千萬古猶

一日也千萬人猶一心也何昔之溥且平兮而今直  
若此陘且險也吾黨士平居講學以世道人物自任  
曾吞宇宙眼空河山中庸之溥博易之平施書之蕩  
蕩平平講說動數千萬言舌瀾翻而寫幾脫腕出而  
用世私欲橫生柴棘其曾坎窞其機分物我異喜戚  
如坐蛙井如旋蠧埴如履兔迹羊腸隔樊牆而分比  
鄰又以高下之手軒輊其間猝而投諸硤隄危疑之  
會則偪仄亡聊顛踣萬狀出門卽有礙若舉而納諸  
罟獲陷穽幾不可須臾處回思禹稷周孔於百世之  
上一襟曠達思飢溺懲荊舒貶削僭亂廓乎囊括天



地而不見介量溥平事業真若神人擘大華不可跂  
又用甫設絳帳授吾甥性曠達無城府溝塹世間狹  
陋不平之事略無幾微見於顏面故可與言溥可與  
言平吾將與用甫抱無絃琴從小奚奴背錦囊左蟹  
右酒陟降溪洞遙見藍光映潯天低鵲沒雖追夸父  
極水遞陸郵莫窮涯角又起而掉空明航綠淨一碧  
萬頃或浮芥舟載釣石隨輕重淺深出波面渾無低  
昂之態夷猶往來豁然泰然吾心溥平之體蓋湛乎  
其在是他日歸隱溪上雖未用世或有戶外屨二門  
道河汾之門者則將挈二子游溪上歷覽天光俯

瞰澄碧取瑟而歌曰雲茫茫兮溥無倪兮流泯泯兮  
平無朕兮道兮道兮其在茲兮二三子亦當於言下  
悟入

衆芳所記

余理舍東園位置花竹鑄以臺館少閒取離騷向花  
陰玩讀愛其擷芳餐英超然清醒與余思愜乃移芷  
于漳移蓀于袁移蕙于攸移蘭于春陵又移菊移荷  
移辛夷移申椒移菌桂暨蘼蕪杜若薜荔夾徑簪盆  
可屋可壁可楣可瑱可榜紉爲佩纁爲裳懷爲翫脩  
然騷國氣味至高又資施翦之剔之勿俾滋蔓署其

門曰衆芳所皆靈均意也余楚人也知有靈均而已  
由靈均而上其芳果何所在也禹臯稷契星聚一堂  
明良賡歌遺馨未沫非虞廷之芳所乎周召毛畢嶽  
峙壁立太平六典芬芬在人牙頰非周廟之芳所乎  
何靈均皆不得與於斯也非但靈均不得與也余亦  
不得與也而余之比靈均又何似也靈均生世遭宗  
國之圯頽加以上官靳尚之譖愬指忠耿耿不獲自  
騁夷猶芳洲顛顛澤畔萃衆草以自媚卒不免抱恨  
懷沙從彭咸以居而所謂滋九畹樹百畝者吾欲訪  
尋其所乃烏有子虛杳不知何地尚幸離騷一經留

然傳世與日月爭光余生也晚後靈均二千餘載罹  
更革身覩乾坤混一征戰停科繇滅探囊肱篋之盜  
弭雖未及操觚弄翰歌虞廷頌周廟造羽衆芳所在  
以鳴國家之盛亦不至心煩志憤噤吟亡聊作畔牢  
愁屋左有迂園一弓課書註韻之隙卽呼僮僕汲井  
泉灌花蒔草迴環三徑蟬蛻羣囂之表得肆餘力按  
騷經花草譜羅列後前而出入衆芳間修吟供以余  
較之靈均好脩潔余亦好脩潔靈均耽吟詠余亦耽  
吟詠靈均攬芳草以自媚余亦攬芳草以自別而其  
有不同者靈均不幸而遭危亡余乃幸而值升平靈

均不幸而遭讒謗余乃幸而免嫉妬靈均嗜衆芳不  
幸而未得其所余亦嗜衆芳乃幸而得其所爾乃晨  
澆夕鉏之暇取架上書讀一通時漱六藝之芳潤求  
以流芳百世則衆芳所在至廣而幽恐靈均未及盡  
知也已而已而今之知靈均者賴有騷而余何人斯  
千載後亦有知余如靈均者而姑舍是則且培植衆  
芳日與江湖騷人遊客吟嘯而玩索與余同志不妨  
徑造芳所

謙山堂記

嚮咸淳更政瑟之十稷余貢漕闌跨鴈峯謁先正文

山于憲臺有美一人曜而晢璀璨吾側若珠玉者詰  
其里曰安仁也詹其姓伯巖其字時尚以字行也別  
後伯巖遷耒南箕北斗相望隔片雲咫尺雖更文價  
益尊挾琴書館大亨譚氏歲時過從相勞苦握手如  
平生歡衆爭稱曰謙山吾將窺子因是已天道虧盈  
而益謙地道變盈而流謙鬼神害盈而福謙而奚在  
山吾將從子捫藤蘿陟嶇嶇敲動雲根而諏其由蘄  
然歸然卷石之岌然其穴呀而不盈其壑注而不溢  
其岫蒸雲雨而不居土壤萃而不辭微塵集而不厭  
草花竹樹積而不自有尊而光卑而不可踰有力者

欲負而卒不可負也有愚者欲移而卒不可移也若是者子直以山爲塊然者乎非邪易於地中有山曰謙於地中有水曰師山奚謙而水奚否也山惟峙而性不競水惟流而性多競故易與山而不與水也謙懿德也故勛以克讓爲五帝冠崇伯子以不滿假爲三王首仲尼以溫良恭讓爲萬代師秦漢晉唐雄才詭略氣焰聲價凌轢宇宙者何限而箕倨傲誕夸詡桀黠爲驕君爲凶德爲世妄人家國頽靡適足穢人牙頰三數聖賢才美叢萃區區眇節窺豹一斑而淵然之光幽然之芳啓塗發軔卒無敢與齒凡爲君者

一日而無此則盈以亢爲臣者一日而無此則汰以肆爲士若庶人者一日而無此則孤陋以謏聞盈以亢故情壅而不通汰以肆故位危而不安孤陋謏聞故學窒泥而不進易六十四卦有凶亦有吉獨謙六爻皆吉伯巖謙山之謙蓋吉其吉者也伯巖少舉進士有聲別來倍舊學日進猶歉然若不足存諸心爲謙謙應諸物爲勞謙發諸文章事業爲鳴謙爲撝謙卓卓然出人意表由前三十年觀謙乃伯巖用力處由後三十年觀謙乃伯巖得力處彼世間學子詩未有李杜一句而便謂周後無詩字未有顏蔡一畫而



便謂晉後無字學未有周程一線而便謂顏曾後無  
能學持此一念橫於習中卒誤其終身者尚欠於伯  
巖北面請益問謙德三昧伯巖歸攜周易一通掃讀  
書堂酌樽中渌爲我揖山靈而酌之曰向也索謙於  
謙而謙在易後也索謙於易而謙在山今也索謙於  
山而謙在伯巖之心是爲記

### 雲山一碧臺記

乾坤閒何所無奇趣晴巒偃蹇寒霧竄冥翠樹搖牙  
水霞錯落乍明乍晦半淡半濃倏忽鑿後迄今青蒼  
一片未嘗暫歇也騷人韻士游子樵兒敲花草之幽

巖策煙霞之僊窟甚欲攬結奇趣而氣味泊乎不相  
入也如踏雪鷄如過曉蚊千態萬狀往過來續正自  
何與吾事箕山一古箕也商山一古商也山蒼蒼而  
雲悠悠尚無恙也自有天地卽有此奇其閒雄傑風  
起水湧者不少而領略清景何獨許由四老人稱雄  
乎其閒山川奇趣每每畀於世閒高尚之奇士世之  
凡子招不來而卽不就也吾邦雲山比之箕之商何  
如也由雲陽而東溯鄴川挑溪之會有坡陀夭矯臨  
溪上者曰松竹坡也由坡而上蘚徑翠滑墮葉蕭騷  
越愚亭度松關有峯挺卓峭拔出坡上者曰雲山一

碧之臺也是臺也吾親古愚譚子主領此坡以大德  
八年冥授而得之以其冬而葺之者也吾嘗與坡上  
主人從二三子捫蘿攀磴直佇乎坡之巔迴環四顧  
面挹紫微背枕金山雲秋丫尖撐其左清溪鄧阜介  
其右煙嵐吞吐鵲沒天低俯瞰羣峯互列指隲蓋高  
人隱士者所宜居天閔地藏幾卅幾年而乃始付於  
松竹坡之主人何奇也雲之噓而爲雲也山之峙而  
爲山也可挹可凭可舒可卷可以蛻翳可以醒心未  
嘗無意於人也愛者幾索者幾而得其趣者凡幾也  
雞蟲之得失相戰而未已也鳬鶴之短長相角而未

定也斯人也吾雲吾山漠乎其爲二而樂意了不相  
關也吾松竹主人脫從世外斲苓絲參玉版日夕盤  
旋其上宅心於澹寄情於遠雲山一碧橫陳後先第  
見相主賓相爾汝而吾不知其誰也濡露而詩冉冉  
皆吟料也醉月而酒轟轟皆供帳也倚苔而坐纖纖  
皆茵席也洗耳而樂琴琴皆笙籟也雲邪山邪又皆  
自吾受用處吾與主人均遊乎方之外者也倚山頂  
臥雲根傲翫斯臺或夢雙鶴駕天風橫江東來一鳴  
一止徙倚臺巔者又安知非我與子也夫主人相顧  
掀髯一笑吾甥心立筆之以記

梅花境界記

玄冥御空朔雲黯澹溪寒水落沙石磷玢旋步回塘  
悄無鴈影乃指瘦筇循竹籬茅舍上下石澗物色春  
風一點若有翠羽刺嘈導余前行十數里許奇寒清  
冷殊不類人間世生斯土者且不知有嬴漢矧晉第  
見月地雲階瓊櫺瑤砌綺綰嬈娜娉婷玉立萬  
仙肌膚綽約冰甌雪盃爭勸而互醺微風過之芬香  
襲人黃塵拂拂吹去了不帶煙火氣脩脩乎如黃昏  
清淺挹西湖之孤山也幽幽乎如殘雪微明詣羅浮  
之林閒也飄飄乎如風臺月觀觀廣陵之東閣也余

亦磅礴踟躕把翫小憩洗髓換骨冷然有御風騎氣  
之想既而矯首乃李兄雲翔睨余側迭爲賓主精神  
灑落談論璵璠蕭然有泉石間意直以梅界自號乃  
悟向者所見適在於此余驚且喜蹠而問曰兄之梅  
界封何所闢何代鄰何邦廣袤縱橫幾何安得從兄  
逍遙徑造其所雲翔曰余性嗜梅少也志四方湖之  
南江之西淮浙廣右隨寓輒喚健步移梅數十本亂  
插晴昊間以祛吾愁而暢吾懷吾之界乃建德之國  
無何有之鄉無在而無不在也余曰梅花境界兄旣  
私之蟾影飛斜巽滕飄舞此正看梅端的處盍分雲

半閒築室居其中其棟桂其檼蘭其壁孫其楣辛夷  
以葯爲房以荷爲蓋以椒芷爲瑱乃藩之以白雲塹  
之以碧山溝洫之以清泉流水披鶴氅裘冠折角巾  
焚香默坐供補騷課與梅盡日相對興到意行時復  
迴環花下自謂葛天無懷上人仍歃血盟曰柳尚有  
陌桃尚有蹊維彼梅界渾無町畦問邦何域不城不  
池問土何色不埴不墜問景何異雪月交輝問業何  
營詩酒淋漓或有孺羔膺熊挾蛾眉而張翠圍者毋  
汙此界兮或有廣臺峻宇飾藻梲而鏤文櫬者毋侵  
此界兮或有紆朱拖紫媒玉堂而通金閨者毋越此

界兮若是則我愛梅梅愛我毓子種孫長老是閒庶  
幾可以保此界兮盟畢后土花神各遵要約護封域  
隨寓獻奇時一吐葩五出云

村西書院記

萬物盈於西而成於西大塊槃礴溟滓無朕金虎之  
英兌商之氣少昊蓐收之炳靈坎湊太虛晶熒洞射  
萃在降婁參昴之墟峙焉而龍堆雪山鎮焉而大華  
玉井匯迤焉而弱水流沙甚至崑崙須彌瑤池閼風  
又爲兔烏之所經涉神仙之所窟宅其鍾爲人也剛  
健勁悍挺挺然樸實有成立或出爲國家鷹揚之將



與山東出相並峙雖然此天地間一大分域也吾行  
東南耳剝目擊周洛之西瀍漢都之西園杭潁之西  
湖洪永之西山至若西牕西陌西里西齋地各有向  
室各有隅餽鬱儀賓結鄰與是氣相噓吸往來隨寓  
輒區以別一回瞬間俄而東西易位有不專在岷峨  
蔥嶺以外者吾亦不知其然而然也外弟譚民望世  
家雲陽曰璋業儒歿祖與計偕父亦繼與爲郡聞人  
民望生也孤母嚴嗣三遷教卜所居西偏築書舍延  
師遷以訓曰汝其力學以復厥先祖父之緒民望益  
耽讀自勵環顧四野田歌遏雲樵唱裂石乃讀書翠

微展卷吾伊倚斜陽待明月迨夜分乃止旣長疑然  
有成立以詩文見知于世扁讀書處曰村西書院枕  
紫微騎龜嶺松竹蒼鬱梅杏後先一溪護田數峯環  
拱若魚鴈用昭母訓詩書之聲仁義之澤芬溢閭巷  
間蓋宅天地兌金之正氣且俾村社薰爲鄒魯不但  
侈景物山川富麗若鏡湖一抹西村煙者吾因是知  
民望書舍宛在水雲之村庚辛之位默與元氣通又  
如季野備四時之氣而挺挺有成立也矧世間事莫  
不由種而成民望厥先祖父種德也有堂而民望種  
學也有素藏斯游斯以母之玉成其身者移而玉成

其子若孫固德本而日碩以茂培學殖而日邕以蕃  
譬之物煦乎春雨之濡濯乎夏畦之溉至是而責償  
於西成之平秩稜稜乎其清而鑿鑿乎其實也肅肅  
乎其穎而栗栗乎其積也充所成效獻賦而擬西都  
草制而上西掖將如弘璧琬琰錯落西序回顧精舍  
在雲煙一塢間蓋胎鳳之巢育麟之藪也民望有母  
如軻而綵戲眉壽宜錫西王母於瑤池上吾肺附親  
也距村西厓而舍或躡履陞書堂揖潘輿上太夫人  
壽具有義方訓在敢倩子請

崇陽朱氏月泓記

崇陽朱兄子泳結交雲端重趼遊吳楚幾半以月泓  
自號奇甚披春雨訊余記余驟聞奇其號未習其趣  
也少焉雨霽花霧剗開后土清乾淡月破影乃褰裳  
度澗漱章泥掬沙埴彎環坳堂綦紛旋渦錯落蟾  
精兔魄注射其中晶晶熒熒激激灩灩如飲澗虹而  
不可以色求也如摩尼珠而不可以形索也如銀河  
泛槎金窩鍛州波光蕩漾而不可以狀摸也謂手可  
掬而竟不可掬也謂棹可穿而竟不可穿也謂謫仙  
可捉昌黎可漉而竟不可捉不可漉也一段清奇琉  
璃凝碧方之觀廣陵八月之濤泛五湖烟波之艇空

明渺漠眼界寥豁浩浩乎不知幾千萬里似不敢伯  
仲而清寒奇絕隨寓輒有亦未易優劣故求月而向  
泓吾不知泓之爲小舍泓而求月吾亦不知月之爲  
大婆娑徙倚露濕露衣月泓境味應接不暇回念子  
泳月泓其殆得於此乎非邪吾間窺子泳之月之泓  
浩不可測猶疑未足以盡其津涯也子泳家崇陽壯  
好遊萃司馬山川之記挾元龍湖海之豪咳唾珠璣  
杲杲行人世正如瓊田玉界瞭其冰輪碾破空碧時  
整蠟衾訪林泉漁隈樵陌多履綦轍跡又如月影散  
現千泓在在皆圓吾試與促膝而談倒囊而讀言言

峻潔字字蕭爽則又疑坐影娥池邊閣扶樹下別是  
一種爽拔不帶人閒烟火氣蓋狀其爲人暨其爲文  
問月於泓何月非泓問泓於月何泓非月他人未諳  
月泓之奇或不足以知子吾平生深諳月泓之奇或  
足以知子月不在月其月在泓月不在泓其泓在子  
子詠宦遊倦歸或有問出處者則亦復帶斜月步石  
泓徘徊玩味領略奇趣曰某在斯某在斯是爲記

黃氏東山書齋記

涪翁老仙伯詩系雲仍家安仁禮團爲甲氏冠冕世  
收科蠹蠹若指蹠伯仁卜舍東創齋庋經史子集淑

其里若子標曰東山客諗余記余曰余亦家東山者也甫市田築舍立書院爲後秀肄業所適與余意愜東者何漢志云少陽春方動也或解曰日在木中日升成池木產厚坤曷嘗一息停賓之醺酒者必東高人之飲沆瀣者以東國之朝日其元子之春入學亦以東皆生機也山崢焉于東者亦然噓爲雲雨融爲動植興爲寶藏函三爲一鍾於此而洩於彼其體靜也而隱然有動之機存吾試與客航明越躋蓬萊極三韓冥按東向山川之縷脈山峙而川流均也河出蔥嶺于閩淮出胎簪桐栢江出蜀湔氏徼外嶠山騰

蹙匯迤揚沙岩石宵夕宗於海客且謂停滯於東而  
止乎氣化掀播風輪蕩洒潛行地中循環浸灌人固  
處其中而不覺也乾天之運回旋蠟磨歷角亢次井  
柳又次奎婁而未嘗不周迴乎八埏一元之氣剪與  
萬物首青規次朱明又次素商而未嘗不運行乎四  
序璇極之杓初攜龍角次鶉火又次金虎未嘗不旁  
羅乎十二分野故元包亨利貞仁包義禮智東焉肇  
而亦東焉推也山塊焉物也其在震旦之地者客以  
爲塊然也邪非塊然也邪山在天地間何限莫高乎  
須彌莫卑乎丘垤莫大乎神嶽莫小乎培塿折一山



而別論則背面異狀挹卯枕寅鬱儀首照陽氣先敷  
受氣也早草木之穎達也亦早俄而氣脉融貫背陽  
向陰之方取次發越靡罅隙遺總衆山而合論則岱  
宗一峯領袖四岳撐拓海洋蔽遮颶風由庖羲而來  
封姑衍禪云亭蓋七十有二鸞輅玉牒首及是山甚  
者衣冠禮樂之勝模楷一世桑麻菽帛之利衣被天  
下而漢相多由此出風氣駘蕩何向不春氣脉蒸淫  
何所不達其氣象濩灩其功利密庸其盤結融厚其  
推移周徧探之不見其跡利之不見其功吾不知客  
窺伯仁之心亦循省及此否邪一室之內乾坤具焉

一弓之地南西北寓焉靜也專動也闢而非塊然無所營爲也吾間窺伯仁居鄉薰其善者今之庚桑楚也質其直者古之王烈也貧者恃以固富者倚以式利被閭井風動湖湘蓋如盡東之山殘波沾丐物有隱然受其賜而不知者幾天乎東山之詩何所思而歸周也功蓋宇宙巍巍乎不私一方也東山之登何所見而小魯也道冠古今漠漠乎不敵一覽也聖賢分量不同或撫東山以自況彼固各有趣也伯仁端居書閣面神農之藥湖招熊峽之諸峯以其淑一鄉者淑一國淑天下身在山之東而譽處不止于東也

雖然擬天地希賢聖亦吾黨分內事也客歸姑記齋  
壁東山天趣尚當扣齋扉更僕劇談未既

霞隱記

湘方外士率工詩南嶽之彌明衡之蔣牕蔣菌蠢晉  
歷花縣二十字纔脫呻吟壇宿將仆旗鼓退舍弗克  
支道侶易光遠業青霞叅衡湘方外士腹猶未果策  
螺江陟閣阜躡僑西山訪問仙翁旌陽遺跡虛往實  
歸充然覺不羣且竊竊然揭霞隱標榜所居子捐塵  
勞棲山林隱也而曰霞隱霞絢爛晴空非真隱而不  
可見者也嘗試與子辨虹霓御紫鸞遠遙碧落下視

人閒卅海泡之突然興也何奄然而消也雷電之轟  
然燁也何閼然而藏也日星之燦然垂也何黯然而  
倒景滅沒也皆寓也霞之在太虛亦日星電泡之類  
也子且以霞爲隱乎則赤水騰蒸彤篆錯落炯九光  
而爛五色煌煌乎其可描似非隱而無迹者也子且  
以霞爲非隱乎則白衣幻化蒼狗變滅散慶霄而雜  
雲靄窅窅兮邈不可尋又若隱而非有迹者也影生  
於形而歸於無形音生於器而藏於無器故霞之晶  
熒可見者其寓於影與音者也及其慘澹不可見者  
亦寓於無影無音者也卅有甘煙霞之痼疾者蓋避

世而隱者也又有餐曉霞之沆瀣者蓋竊生而隱者也避世而隱隱以心也竊生而隱隱以跡也子歸藏身於密合氣於冥宅心於沖漠淨掃一室澹乎其無營泊乎其無爲回顧吾身眇焉石火寄宇宙閒亦霞之寓也子學詩得句法剝有烟霞氣身將隱焉用文之詩又霞隱之寓者也就書以記

彭氏愚石記

石匪愚乎恫乎其無角冥乎其無機也石果愚乎悅乎其有異燦乎其有文也石先天地而生後天地而不老玄精之核而金剛之朴也嶄々而山潭々而壁

磊磊而沙渚吾亦莫詰其源訊其根匪磬而浮爲磬  
匪鼓而鳴爲鼓匪鏡而瑩爲鏡礎之潤也若噓之玉  
之韞也若毓之髓之裂也若液之落爲星孰耀爾精  
鞭爲雨孰澍爾霖敲爲火孰然爾明隕於宋奚推而  
隕言於晉奚馮而言點頭於釋經奚搖而點其功用  
至煉五色而補於女媧氏奚術而煉而補若是者謂  
石爲愚也可謂石爲非愚也亦可而吾合人與石推  
之石之愚非自愚也以人而愚也石之不愚非自不  
愚也以人而不愚也愚不愚在人柰何徒諉之石也  
彭氏和卿之石果愚乎哉和卿居里左瀨老於文學

帳下學子數百輩朝講夕授將以訂頑砭愚而柰何  
自託於愚扁齋曰愚石幾若子厚之愚其溪山焉子  
非石安知石之愚也我非子又安知子不石之愚也  
而吾以石觀子石未嘗愚子亦未嘗愚也愚云者寓  
也而石自有不可愚者金陵之道周莓苔厖茸頑然  
一物也當時陳帝何乃官之三品爵在王人之上無  
爲公廨之片石往過來續未嘗懼然異而元章米公  
具袍笏拜至呼爲丈三品美官也丈大父行也他人  
以愚待石彼乃榮之重之若此其必有不可愚者而  
人不識也人不能識彼乃識於前和卿又識於今可

几可覲可屏可榻將支玉女之機將入俞扁之劑將  
充良嶽靈壁之貢其出也翔兮零陵之燕其處也叱  
兮金華之羝其學也砥兮它山之攻其仕也擎兮明  
堂之柱有不但呼爲文官爲三品者和卿託於石曰  
愚吾不直謂之愚也抑孔子云回也不愚石何愚哉  
子獨不見穀城山下之黃公乎以書授圯下之孺子  
非愚也晞顏之人亦顏之徒

萬山閒堂記

仁人樂山逸人買山冥揆者流秣糠塵世履巉巖家  
叢薄樵雲耕雨漱流枕石畧不敢越虎溪寸步由之



箕之推之介四皓之商某丘某水得尋丈清絕所思  
營菟裘老是閒巢林一枝覺恢々有餘地焉用萬々  
盈數也入山者常恐不深山而萬深復深也異時科  
舉行安成端素彭先生登黃甲分教江陵再傳聞孫  
世儀襲其學須冠籍々有聲價將卓然備世用卜所  
居後村構堂數楹爲讀書舍扁曰萬山閒幾若深於  
逃名者子何計之早也我非子能知子子之居萬山  
閒蓋有其趣而世未之知也山峙大塊閒銳如圭尖  
如矛圓如釜豁豁如蜂房綿聯起伏如蚪蚓小之爲  
步仞大之爲巨鎮卑之爲培塿高之爲凌霄千奇萬

狀覽難盡壽難筭偃蹇而難招吾居未嘗無山吾目亦未嘗無山人於山何漠乎不相關也至人勝士心包太虛量涵宇宙山焉而一未見不足也山焉而萬未見有餘也皆游乎方之外者也凡形在山趣在人吾所居山一也而山外之山周遭環吾所居者鉅萬也吾處一山之間而使萬山皆爲吾用此豈易言哉滄海可杯吞也須彌可芥納也烟霏之岫吹萬不同可曾吞而眼隘也以山觀山散一而萬廓乎月照萬川而一輪長圓也以心觀山會萬而一瞭乎鏡挂一奩而萬象畢聚也吾試與子俯八荒窮六極其東則

徂徠新甫聖賢之德里也其西則閬風玄圃羣仙之  
窟宅也又其北則太行野狐之林南則天台廬阜之  
巘古今英雄戰爭之場而江淮財賦之淵也自有天  
地即有此山山經不悉紀章亥不悉步靈運發齒不  
悉及愛者幾觀者幾主領而有之者凡幾暫焉過霎  
焉換更爲岸陵幻爲平陸政自何限吾以一身眇焉  
中處董人如椰子許乃皆私而有之若列戶外若置  
几席是閒是心吾意其必有大過人者委巷士種梅  
數本竊之焉身其中曰吾梅閒也蒔竹數箇竊之焉  
身其中曰吾竹閒也方之世儀身寄一山之中心包

萬山之外試比梅竹阡陌廣袤相距不啻九牛一毛  
子學日富名日盛將有招而求諸山之南山之北雖  
引而置之雲烟萬疊亦自炯々不能祕吾懼子不得  
以私山山亦不得以私子

#### 四友堂記

世有品雖異而友則固者驢友蟹乃生魚友龍乃化  
蓬友麻乃直相近也而相資相交也而相衛方類聚  
物羣分也人天地之心也友亦人而已奚植物之友  
玉非石友也而寓於石金非砂友也而寓於砂蒼然  
之礫礪也縹緲之清閼也孤根之槎牙也塊焉冥焉

復何奇焉公侯之門將相之裔乃捐其所睚折節納  
交類金石膠漆不可解何友之固也友且不易得矧  
更堅之試啓明公執鞭弭策款段馬軼徂駕渭川  
輟環乎孤山羅浮之境有鬚髮蕭蕭不可越而  
爵爲大夫者有節鉞奕亭不可折而宗爲君者  
有冰姿綽約皦不可汗而推爲兄者森蚪鱗嘯鳳  
吹立蛟背凌霜傲雪不改素節斷爲明堂之梁棟竅  
爲清廟之筦籥肫爲台鼎之大羹胸中立壑非但超  
世直將用世知而不友其見凡友而不深其形穢彼  
美人兮匪君子兮清標玉立徘徊是間歛伐木之雅

續停雲之章招而寘之風簷月觀參立侍側莫逆於  
心真若四老人索隱商顏了不聞羸劉之顛蹶又若  
乾坤四隅四序不可缺一故歲寒之稱於洙泗德美  
之頌於淇澳和鼎之屬於傅巖元夫格人託根日深  
有潛化而不自知者物乎人乎人見其四吾見其一  
神同而天比品異而趣遠四非多而一非少也誠齋  
之爲友者四乎一乎誠齋繇哀烏華冑總戎瀟湘閱  
禮樂崇詩書脫簪笄綰戟之榮名而乃寄傲泉石  
與花草伍擇是三者溟濤然友之將倣歐陽六一義  
直以是身爲四孟獻子曾卅家也有友五君子貴之

非貴戲子也貴能友也易曰麗澤兌傳曰朋來亦樂  
友也者將以相麗而善也我之善及於人人之善復  
砒於我故其樂深吾意明公之友四皓々乎其樂以  
天也霜雪質々名何皦々飭興臺編疎籬水邊林下  
日招牆角之兄林下之君岳上之大夫徘徊夷猶  
論心定交情融興到時挾翰墨吐妙句流傳人間世  
杳不知天地閒復有何者爲可侶而又澡淪清襟保  
護雅操自任以天下之重將爲世所材吾意西風颯  
然歔塵閒起回顧三友舉扇而障之曰元規塵汙人  
三友亦將詡々然握手出肺肝誓天日不相背曰明

公真畏友也今乃得交二郌之間而已其敢辭

邠陽李氏鰲峯記

環邠萬山一碧崢乎其傍者鰲峰也環鰲峰萬壘一聚家乎其下者李氏也物之奇形而託於山山之奇形而託於人天寶物華地靈人傑清淑磨盪磅礴蜿蜒氣脉相關未易俄而詰也山必有形形必有象騫也若鳳宛也若螭天矯而騰躍也若雞若鶴若鹿若猿曷可限量計其初也象於物其究也泄於人鹿門有山奇也乃託於德公臥龍有坡奇也乃託於諸葛朱鵲橋烏衣巷奇也乃託於王謝茅子綢繆疇



爲地兮晶々熒熒疇爲人兮以物觀山山猶物也以  
山觀人人猶山也若是者鼇爲峯々爲人吾不知疇  
形而疇形其形也二者均奇也專之者託之也初李  
氏鼻祖由唐守郴家焉次祖以五季徙居鼇頭三峯  
下五世祖邵陽大夫稱大通師事南軒張子出入紫  
岳戎幕祖澹齋以文學掾于吉訥齋以政事播于韶  
伯氏雲翁登庚戌第倅五羊與叔山泉翁同年進士  
雲仍鎮翁乃擬鼇峰名堂將專之鼇峰諸李且爲楚  
甲氏鼇奚物也滄海介鱗之最巨也形模魁特氣力  
巋肩蓬萊穹林直以首戴而抃焉世之釣鼇者以天

地爲竿以日月爲餌猶懼不旣故一釣連六獨推任  
公子暨龍伯國人有非尋常詹何輩所能近英靈之  
氣在大塊閒爲聖爲賢爲公爲卿者不少嗟夫潁水  
清濯氏寧淮水竭王氏歇潁淮二水似與二姓相盛  
衰矧峯之類鼇其載厚其發閎其積富其容巨補化  
工者狀鼇極跨倫魁者狀鼇首澄達宦者狀鼇衆氣  
量匪但淮潁比精靈歆噓散爲清氛蔭爲花草鍾爲  
異士雄渾卓犖項領相望形在物所形在山所以形  
其形者在人由唐及今六百餘禩芳至今猶未沫山  
亦其有託乎山之有所託固也而非徒託也岳藏熊

不敢越淵潛蛟不敢犯人以地地亦以人也鎮翁航  
詩書之潢熾其積培其勢鰲峰仙李盤根滋大峰若  
增而高鰲若靈而顯地也人也交相形而互相映也  
山東誇崔城南誇杜彤形而彤無形也角竒爭長鰲  
峰將參之